॥तैत्तिरीय ब्राह्मणम्॥

॥अष्टमः प्रश्नः॥

॥तैत्तिरीयबाह्मणे द्वितीयाष्टके अष्टमः प्रपाठकः॥

पीवौन्ना रिय्वृधं सुमेधाः। श्वेतः सिषिक्त नियुतांमिभृश्रीः। ते वायवे समनसो वितंस्थुः। विश्वेन्नरं स्वपृत्यानि चकुः। रायेऽनु यञ्जजतू रोदंसी उभे। राये देवी धिषणां धाति देवम्। अधां वायुं नियुतं सश्चत् स्वाः। उत श्वेतं वसुंधितिन्निरेके। आ वायो प्रयाभिः। प्र वायुमच्छां बृह्ती मनीषा॥१॥

बृहद्रंयिं विश्ववारा रथप्राम्। द्युतद्यांमा नियुतः पत्यंमानः। कृविः कृविमियक्षसि प्रयज्यो। आ नो नियुद्धिः शृतिनींभिरध्वरम्। सहस्रिणींभिरुपं याहि युज्ञम्। वायो अस्मिन् ह्विषि मादयस्व। यूयं पात स्वस्तिभिः सदां नः। प्रजांपते न त्वदेतान्यन्यः। विश्वां जातानि परि ता बंभूव। यत्कांमास्ते जुहुमस्तं नो अस्तु॥२॥

वय स्याम् पत्यो रयीणाम्। रयीणां पतिं यज्तं बृहन्तम्ं। अस्मिन्भरे नृतमं वाजंसातौ। प्रजापतिं प्रथम्जामृतस्यं। यजांम देवमिं नो ब्रवीत्। प्रजापते त्वन्निंधिपाः पुराणः। देवानां पिता जंनिता प्रजानाम्। पतिर्विश्वंस्य जगंतः पर्स्पाः। ह्विनों देव विह्वे जुंषस्व। तवेमे लोकाः प्रदिशो दिशंश्च॥३॥ प्रावतों निवतं उद्घतंश्च। प्रजांपते विश्वसृत्जीवधंन्य इदं नों देव। प्रतिहर्य ह्व्यम्। प्रजापंतिं प्रथमं यज्ञियांनाम्। देवानामग्रें यज्ञतं यंजध्वम्। स नों ददातु द्रविण र सुवीर्यम्। रायस्पोषं विष्यंतु नाभिमस्मे। यो राय ईशें शतदाय उक्थ्यंः। यः पंशूनार रंक्षिता विष्ठितानाम्। प्रजापंतिः प्रथम्जा ऋतस्यं॥४॥

सहस्रंधामा जुषता १ ह्विर्नः। सोमांपूषणेमौ देवौ। सोमांपूषणा रजंसो विमानम्। सप्तचंऋ १ रथमविश्वमिन्वम्। विषूवृतं मनंसा युज्यमानम्। तं जिन्वथो वृषणा पश्चरिष्मम्। दिव्यंन्यः सदेनं च्ऋ उच्चा। पृथिव्याम्न्यो अध्यन्तरिक्षे। तावस्मभ्यं पुरुवारं पुरुक्षुम्। रायस्पोषं विष्यंतान्नाभिमस्मे॥ ५॥

धियं पूषा जिन्वतु विश्वमिन्वः। र्यि सोमो रियपितिर्दधातु। अवंतु देव्यदितिरन्वां। बृहद्वंदेम विदर्थे सुवीराः। विश्वान्यन्यो भुवंना ज्ञानं। विश्वमन्यो अभिचक्षांण एति। सोमांपूषणाववंतं धियं मे। युवभ्यां विश्वाः पृतंना जयेम। उद्त्तमं वंश्णास्तंभ्राद्धाम्। यत्कं चेदं किंत्वासंः। अवं ते हेड्स्तत्त्वां यामि। आदित्यानामवंसा न देक्षिणा। धारयंन्त आदित्यासंस्तिस्रो भूमीर्धारयन्। यज्ञो देवाना श्रुचिर्पः॥६॥
मुनीषाऽस्तुं चूर्तस्यास्मे किंत्वासंश्वत्वारिं च॥———[१]

ते शुक्रासः शुचंयो रश्मिवन्तंः। सीदंन्नादित्या अधिं बर्हिषिं

प्रिये। कामेन देवाः स्रथं दिवो नंः। आ याँन्तु युज्ञमुपं नो जुषाणाः। ते सूनवो अदितेः पीवसामिषम्। घृतं पिन्वत्प्रतिहर्यन्नृतेजाः। प्रय्जिया यजमानाय येमुरे। आदित्याः कामं पितुमन्तंमस्मे। आनंः पुत्रा अदितेर्यान्तु युज्ञम्। आदित्यासंः पृथिभिर्देवयानैः॥७॥

अस्मे कामं दाशुषं सन्नमंन्तः। पुरोडाशं घृतवंन्तं जुषन्ताम्। स्कुभायत् निर्ऋति सेधतामंतिम्। प्र रिष्मिभिर्यतंमाना अमृध्राः। आदित्याः काम् प्रयंतां वषंद्गृतिम्। जुषध्वं नो ह्व्यदांतिं यजन्नाः। आदित्यान्काम्मवंसे हुवेम। ये भूतानिं जनयंन्तो विचिख्युः। सीदंन्तु पुत्रा अदितेरुपस्थम्ं। स्तीणं ब्रहिर्हंविरद्यांय देवाः॥८॥

स्तीर्णं ब्र्हिः सींदता युज्ञे अस्मिन्। ध्राजाः सेधंन्तो अमंतिं दुरेवांम्। अस्मभ्यं पुत्रा अदितेः प्र यर्श्सत। आदित्याः कामं हृविषों जुषाणाः। अग्ने नयं सुपर्था राये अस्मान्। विश्वानि देव वयुनांनि विद्वान्। युयोध्यंस्मञ्जंहुराणमेनः। भूयिष्ठान्ते नमं उक्तिं विधेम। प्र वंः शुक्रायं भानवें भरध्वम्। हृव्यं मृतिं चाग्नये सुपूतम्॥९॥

यो दैव्यांनि मानुषा जनूर्षि। अन्तर्विश्वांनि विद्यना जिगांति। अच्छा गिरों मृतयों देवयन्तीः। अग्निं यन्ति द्रविणुं भिक्षंमाणाः। सुसन्दशर्रं सुप्रतींक्र्ं स्वश्रम्। हृव्यवाहंमर्तिं मानुषाणाम्। अग्ने त्वम्स्मद्युंयोध्यमीवाः। अनिग्नित्रा अभ्यंमन्त कृष्टीः। पुनर्स्मभ्यर्रं सुवितायं देव। क्षां विश्वंभिर्जरंभिर्यजत्र॥१०॥ अग्रे त्वं पारया नव्यो अस्मान्। स्वस्तिभिरतिं दुर्गाणि विश्वां। पृश्चं पृथ्वी बंहुला नं उर्वी। भवां तोकाय तनयाय शं योः। प्रकारवो मन्ना वच्यमानाः। देवद्रीचीं नयथ देवयन्तः। दक्षिणावाङ्वाजिनी प्राच्येति। ह्विभरंन्त्यग्रये घृताचीं। इन्द्रं नरो युजे रथम्ं। जुगृभ्णाते दक्षिणिमन्द्र हस्तम्॥११॥

वसूयवो वसुपते वसूनाम्। विद्या हि त्वा गोपंति शूर् गोनाम्। अस्मभ्यं चित्रं वृषंण र्यिन्दाः। तवेदं विश्वम्भितः पश्वयम्। यत्पश्यंसि चक्षंसा सूर्यस्य। गवांमसि गोपंतिरेकं इन्द्र। भक्षीमहिं ते प्रयंतस्य वस्वः। समिन्द्र णो मनंसा नेषि गोभिः। सर सूरिभिर्मघवन्थ्स इस्त्या। सं ब्रह्मंणा देवकृतं यदस्ति॥१२॥

सं देवानार् सुमृत्या युज्ञियांनाम्। आराच्छत्रुमपं बाधस्व दूरम्। उग्रो यः शम्बंः पुरुहूत् तेनं। अस्मे धेहि यवंमृद्गोमंदिन्द्र। कृधीधियं जरित्रे वाजंरलाम्। आ वेधस् स हि शुचिंः। बृह्स्पतिंः प्रथमं जायंमानः। मृहो ज्योतिषः पर्मे व्योमन्। स्प्तास्यंस्तुविजातो रवेण। वि स्प्तरंश्मिरधमृत्तमारंसि॥१३॥

बृह्स्पतिः समंजयद्वसूनि। महो व्रजान्गोमंतो देव एषः। अपः सिषांसन्थ्सुव्रप्रंतीत्तः। बृह्स्पतिर्हन्त्यमित्रंमुर्कैः। बृहंस्पते पर्येवा पित्रे। आ नों दिवः पावीरवी। इमा जुह्वांना यस्ते स्तनंः। सरस्वत्यभि नों नेषि। इयः शुष्मेभिर्बिस्खा इंवारुजत्। सानुं गिरीणान्तंविषेभिंरूर्मिभिः। पारावद्वीमवंसे सुवृक्तिभिः। सरंस्वतीमा विवासम धीतिभिः॥१४॥

देवयानैदिंबाः सुपूंतं यजत्र हस्तमस्ति तमाईस्यूर्मिभिद्धे चं॥——[२]

सोमों धेनु र सोमो अर्वन्तमाशुम्। सोमों वीरं कंर्मण्यं ददात्। सादन्यं विद्थ्य र सभेयम्। पितुः श्रवणं यो ददांशदस्मै। अषांढं युथ्सु त्वर सोम् ऋतुंभिः। या ते धामांनि ह्विषा यजंन्ति। त्विममा ओषधीः सोम् विश्वाः। त्वम्पो अंजनयस्त्वङ्गाः। त्वमातंतन्थोर्वन्तरिक्षम्। त्वं ज्योतिषा वि तमो ववर्थ॥१५॥

या ते धामांनि दिवि या पृंथिव्याम्। या पर्वतेष्वोषंधीष्वपस्। तेभिर्नो विश्वैः सुमना अहंडन्। राजैन्थ्सोम् प्रति ह्व्या गृंभाय। विष्णोर्नुकं तदंस्य प्रियम्। प्र तिद्वष्णुंः। पुरो मात्रंया तनुवां वृधान। न ते महित्वमन्वंश्ज्वन्ति। उभे ते विद्य रजंसी पृथिव्या विष्णो देव त्वम्। पुरमस्यं विथ्से॥१६॥

विचंक्रमे त्रिर्देवः। आ ते महो यो जात एव। अभि गोत्राणि। आभिः स्पृधी मिथतीररिषण्यन्। अमित्रंस्य व्यथया मृन्युमिंन्द्र। आभिविंश्वां अभियुजो विषूंचीः। आर्याय विशोवंतारीर्दासीः। अयर शृंण्वे अध जयंत्रुत घ्रन्। अयमुत प्र कृणुते युधा गाः। यदा स्तयं कृंणुते मृन्युमिन्द्रः॥१७॥

विर्श्वं दृढं भंयत् एजंदस्मात्। अनुं स्वधामक्षरुन्नापों अस्य।

अवर्धत् मध्य आ नाव्यांनाम्। सुधीचीनेन मनंसा तिमेन्द्र ओजिष्ठेन। हन्मेनाहन्नभिद्यून्। मुरुत्वन्तं वृष्भं वांवृधानम्। अकंवारिं दिव्यः शासिमन्द्रम्। विश्वासाह्मवंसे नूतेनाय। उग्रः संहोदामिह तः हुंवेम। जिनेष्ठा उग्रः सहसे तुराय॥१८॥

मन्द्र ओजिष्ठो बहुलाभिमानः। अवधिन्निन्द्रं मुरुतंश्चिदत्रं। माता यद्वीरं द्धनृद्धनिष्ठा। क्रस्यावो मरुतः स्वधाऽऽसीत्। यन्मामेक र समर्धत्ताहिहत्ये। अह इ ह्यंग्रस्तंविषस्तुविष्मान्। विश्वंस्य शत्रोरनंमं वधस्नेः। वृत्रस्यं त्वा श्वसथा दीषंमाणाः। विश्वं देवा अंजहुर्ये सर्खायः। मरुद्विरिन्द्र सख्यं ते अस्तु॥१९॥

अथेमा विश्वाः पृतंना जयासि। वधीं वृत्रं मंरुत इन्द्रियेणं। स्वेन भामेन तिवृषो बंभूवान्। अहमेता मनेव विश्वश्चंन्द्राः। सुगा अपश्चंकर् वर्ज्ञंबाहुः। स यो वृषा वृष्णियेभिः समोकाः। महो दिवः पृथिव्याश्चं सम्राट्। सतीनसंत्वा हव्यो भरेषु। मुरुत्वां नो भवत्विन्द्रं ऊती। इन्द्रों वृत्रमंतरद्वृत्रतूर्ये॥२०॥

अनाधृष्यो मुघवा शूर इन्द्रेः। अन्वेनं विशो अमदन्त पूर्वीः। अयर राजा जगंतश्चर्षणीनाम्। स एव वीरः स उं वीर्यावान्। स एकराजो जगंतः परस्पाः। यदा वृत्रमतंरच्छूर् इन्द्रेः। अथांभवद्दमिताभिकंतूनाम्। इन्द्रो यज्ञं वर्धयन्विश्ववेदाः। पुरोडाशंस्य जुषतार हुविर्नेः। वृत्रं तीर्त्वा दानवं वर्ज्रबाहुः॥२१॥ दिशोंऽद्दश्हृश्हृता दश्हंणेन। इमं युज्ञं वर्धयंन्विश्व-वेदाः। पुरोडाश्ं प्रति गृभ्णात्विन्द्रः। यदा वृत्रमतंर्च्छूर् इन्द्रः। अथैकराजो अभवज्ञनानाम्। इन्द्रों देवाञ्छंम्बर्हत्यं आवत्। इन्द्रों देवानामभवत्पुरोगाः। इन्द्रों युज्ञे हृविषां वावृधानः। वृत्रतूर्नों अभय् शर्म यश्सत्। यः सप्त सिन्धू रदंधात्पृथिव्याम्। यः सप्त लोकानकृणोद्दिशंश्च। इन्द्रों हृविष्मान्थ्सगंणो मुरुद्भिः। वृत्रतूर्नों यज्ञमिहोपं यासत्॥२२॥

वृवर्ध विथ्स इन्द्रंस्तुरायांस्तु वृत्रतूर्ये वर्जवाहः पृथिव्यात्रीणि च॥——[३] इन्द्रस्तरंस्वानिभमातिहोग्रः। हिरंण्यवाशीरिष्टिरः सुंवर्षाः। तस्यं वय ए सुंमतौ यृज्ञियंस्य। अपि भृद्रे सौमन्से स्याम। हिरंण्यवर्णो अभयं कृणोतु। अभिमातिहेन्द्रः पृतंनासु जिष्णुः। स नः शर्म त्रिवरूथं वि यर्षसत्। यूयं पात स्वस्तिभिः सदां नः। इन्द्रई स्तुहि वृज्जिण्ड् स्तोमंपृष्ठम्। पुरोडाशंस्य जुषता ए हिवर्नः॥२३॥

ह्त्वाभिमांतीः पृतंनाः सहंस्वान्। अथाभंयं कृणुहि विश्वतों नः। स्तुहि शूरंं वृज्जिणमप्रंतीत्तम्। अभिमातिहनं पुरुहूतमिन्द्रम्। य एक इच्छुतपंतिर्जनेषु। तस्मा इन्द्रांय ह्विरा जुंहोत। इन्द्रों देवानांमधिपाः पुरोहिंतः। दिशां पतिरभवद्वाजिनीवान्। अभिमातिहा तंविषस्तुविष्मान्। अस्मभ्यंं चित्रं वृषंण १ र्यिन्दांत्॥२४॥

य ड्रमे द्यावांपृथिवी मंहित्वा। बलेनाह रहिदिभमातिहेन्द्रंः। स नों हिवः प्रतिं गृभ्णातु रातयें। देवानां देवो निंधिपा नों अव्यात्। अनंवस्ते रथं वृष्णे यतें। इन्द्रंस्य नु वीर्यांण्यहुन्नहिम्। इन्द्रों यातो-ऽवंसितस्य राजां। शमंस्य च शृङ्गिणो वर्ज्ञंबाहुः। सेदु राजां क्षेति चर्षणीनाम्। अरान्न नेिमः परि ता बंभूव॥२५॥

अभि सिध्मो अंजिगादस्य शत्रून्ं। वितिग्मेनं वृष्भेणा पुरोभेत्। सं वर्त्रेणासृजद्भुत्रमिन्द्रंः। प्र स्वां मृतिमितिर्च्छाशंदानः। विष्णुं देवं वर्रुणमृतये भगम्ं। मेदंसा देवा वृपयां यजध्वम्। ता नो यज्ञमागंतं विश्वधेना। प्रजावंदस्मे द्रविणेह धंत्तम्। मेदंसा देवा वृपयां यजध्वम्। विष्णुं च देवं वर्रुणं च गुतिम्॥२६॥

ता नो अमीवा अप बाधंमानौ। इमं युज्ञं जुषमांणावुपेतम्। विष्णूंवरुणा युवमंध्वरायं नः। विशे जनांय मिह शर्म यच्छतम्। दीर्घप्रंयञ्ज्यू हुविषां वृधाना। ज्योतिषाऽरांतीर्दहत्नतमा स्सि। ययोरोजंसा स्कभिता रजा स्सि। वीर्येभिर्वीरतंमा शविष्ठा। याऽपत्ये ते अप्रंतीत्ता सहोंभिः। विष्णूं अगुन्वरुंणा पूर्वहूंतौ॥२७॥

विष्णूंवरुणावभिशस्तिपावाँम्। देवा यंजन्त ह्विषां घृतेनं। अपामींवार सेधतर रृक्षसंश्च। अथांधत्तं यजंमानाय शं योः। अर्होमुचां वृष्भा सुप्रतूर्ती। देवानां देवतंमा शचिष्ठा। विष्णूंवरुणा प्रतिहर्यतन्नः। इदं नरा प्रयंतमूतये हिविः। मही नु द्यावांपृथिवी इह ज्येष्ठें। रुचा भवता शुचयंद्भिरकैः॥२८॥

यथ्सीं वरिष्ठे बृह्ती विमिन्वन्। नृवज्योक्षा पंप्रथानेभिरेवैंः। प्रपूर्विजे पितरा नव्यंसीभिः। गीर्भिः कृंणुध्वर् सदेने ऋतस्यं। आ नौं द्यावापृथिवी दैव्येन। जर्नेन यातं मिहे वां वरूथम्। स इथ्स्वपा भुवनेष्वास। य इमे द्यावापृथिवी जजानं। उर्वी गंभीरे रजंसी सुमेकैं। अव्रशे धीरः शच्या समैरत्॥२९॥

भूरिं द्वे अचेरन्ती चरंन्तम्। पृद्वन्तं गर्भम्पदीदधाते। नित्यं न सूनुं पित्रोरुपस्थैं। तं पिपृत ररोदसी सत्यवाचम्। इदं द्यांवापृथिवी सत्यमंस्तु। पितुर्मात्यिद्दिहोपं ब्रुवे वाम्। भूतं देवानांमवमे अवोभिः। विद्यामेषं वृज्ञनं जीरदांनुम्। उवीं पृथ्वी बंहुले दूरे अन्ते। उपं ब्रुवे नमंसा यज्ञे अस्मिन्। दधांते ये सुभगं सुप्रतूर्ती। द्यावा रक्षंतं पृथिवी नो अभ्वात। या जाता ओषंध्योऽति विश्वाः परिष्ठाः। या ओषंधयः सोमंराज्ञीरश्वावती रसोमवृतीम्। ओषंधीरिति मातरो-ऽन्या वो अन्यामंवतु॥३०॥ हिवर्नो दाद्वभूव गृतिं पूर्वहूंतावर्केरैरदस्मिन्पश्चं च॥———[४]

शुचिं नु स्तोम् इञर्थह्नुत्रम्। उभा वांमिन्द्राग्नी प्र चंर्षणिभ्यः। आ वृंत्रहणा गीभिविप्रः। ब्रह्मणस्पते त्वमस्य यन्ता। सूक्तस्यं बोधि तनेयं च जिन्व। विश्वं तद्भद्रं यदवन्तिं देवाः। बृहद्वंदेम विदर्थे सुवीराः। स ई र् स्त्येभिः सिखंभिः शुचिद्धेः। गोधायसं विधन्सैरतर्दत्। ब्रह्मणस्पतिवृषंभिर्वराहैः॥३१॥

घर्मस्वेदेभिद्रिविणं व्यानट्। ब्रह्मणस्पतेरभवद्यथाव्शम्। सत्यो मन्युर्मिह् कर्मा करिष्यतः। यो गा उदाज्यस दिवे वि चांभजत्। महीवं रीतिः शवंसा सर्त्पृथंक्। इन्यांनो अग्निं वंनवद्वनुष्यतः। कृतब्रह्मा शूशुवद्रातहंव्य इत्। जातेनं जातमित्सृत्प्र सृरंसते। यं यं युजं कृणुते ब्रह्मणस्पतिः। ब्रह्मणस्पते सुयमंस्य विश्वहाँ॥३२॥

रायः स्यांम रथ्यो विवंस्वतः। वीरेषुं वीरा र उपपृिङ्घ नस्त्वम्। यदीशानो ब्रह्मणा वेषि मे हवम्। स इज्ञनेन स विशा स जन्मना। स पुत्रैर्वार्जं भरते धना नृभिः। देवानां यः पितरमा विवासित। श्रद्धामना ह्विषा ब्रह्मणस्पतिम्। यास्ते पूषत्रावो अन्तः। शुक्रं ते अन्यत्पूषेमा आशाः। प्रपंथे पृथामंजनिष्ट पूषा॥३३॥

प्रपंथे दिवः प्रपंथे पृथिव्याः। उभे अभि प्रियतंमे स्थस्थैं। आ च परां च चरति प्रजानन्। पूषा सुबन्धुंर्दिव आ पृथिव्याः। इडस्पतिर्म्घवां दस्मवंर्चाः। तं देवासो अदंदः सूर्यायैं। कामेन कृतं त्वस् स्वश्रम्। अजाऽश्वंः पशुपा वाजंबस्त्यः। धियं जिन्वो विश्वे भुवंने अर्पितः। अष्ट्रां पूषा शिथिरामुद्धरीवृजत्॥३४॥

स्श्रक्षाणो भुवंना देव ईयते। शुचीं वो ह्व्या मंरुतः शुचींनाम्। शुचिर्रं हिनोम्यध्वरर शुचिंभ्यः। ऋतेनं सृत्यमृत्सापं आयन्। शुचिंजन्मानः शुचंयः पावकाः। प्र चित्रमकः गृंणते तुरायं। मारुंताय स्वतंवसे भरध्वम्। ये सहार्रस् सहंसा सहंन्ते। रेजेते अग्ने पृथिवी मखेभ्यः। अरसेष्वा मंरुतः खादयों वः॥३५॥

वक्षः सुरुक्ता उपं शिश्रियाणाः। वि विद्युतो न वृष्टिभीं रुचानाः। अनुं स्वधामायुंधैर्यच्छंमानाः। या वः शर्म शशमानाय सन्तिं। त्रिधातूंनि दाशुषं यच्छ्ताधि। अस्मभ्यं तानि मरुतो वियन्त। र्यिं नो धत्त वृषणः सुवीरम्ं। इमे तुरं मुरुतो रामयन्ति। इमे सहः सहंसु आ नंमन्ति। इमे शर्रसंवनुष्यतो नि पान्ति॥३६॥

गुरुद्वेषो अरंरुषे दथन्ति। अरा इवेदचंरमा अहेव। प्रप्रं जायन्ते अकंवा महोभिः। पृश्ञेः पुत्रा उपमासो रभिष्ठाः। स्वयां मृत्या मृरुतः सं मिमिक्षुः। अनुं ते दायि मृह इन्द्रियायं। सृत्रा ते विश्वमनुं वृत्रहत्यें। अनुं क्षृत्रमनु सहों यजत्र। इन्द्रं देवेभिरनुं ते नृषद्यें। य इन्द्रं शुष्मों मघवन्ते अस्ति॥३७॥

शिक्षा सर्खिभ्यः पुरुहूत नृभ्यः। त्वर हि दृढा मंघवृन्विचेताः। अपांवृधि परिवृतिं न राधः। इन्द्रो राजा जगंतश्चर्षणीनाम्। अधिक्षमि विषुंरूपं यदस्तिं। ततो ददातु दाशुषे वसूंनि। चोद्द्राध् उपंस्तुतश्चिद्वांक्। तमुंष्टुहि यो अभिभूत्योजाः। वृन्वन्नवांतः पुरुहूत इन्द्रेः। अषांढमुग्रर सहंमानमाभिः॥३८॥

गीर्भिर्वर्ध वृष्मं चंर्षणीनाम्। स्थूरस्यं रायो बृंह्तो य ईशैं।

तम् ष्टवाम विद्येष्विन्द्रम्। यो वायुना जयंति गोमंतीषु। प्र धृष्णुया नयिति वस्यो अच्छं। आ ते शुष्मो वृष्भ एतु पृश्चात्। ओत्तरादंधरागा पुरस्तात्। आ विश्वतो अभिसमेत्वर्वाङ्। इन्द्रं द्युम्न सुवंविद्धेह्यस्मे॥३९॥

व्याहैं विश्वहां ऽजिनष्ट पूषोद्वरीं वृजत्खादयों वः पान्त्यस्त्याभिर्नवं च॥—[५] आ देवो यांतु सविता सुरत्नंः। अन्तरिक्षप्रा वहंमानो अश्वैः।

हस्ते दर्धानो नर्या पुरूणि। निवेशयं च प्रसुवं च भूमं। अभीवृंतं कृशंनैर्विश्वरूपम्। हिरंण्यशम्यं यज्तो बृहन्तम्। आस्थाद्रथरं सिवता चित्रभानुः। कृष्णा रजारंसि तिवधीं दर्धानः। सर्घा नो देवः संविता स्वायं। आ सांविषद्वसुपतिवसूनि॥४०॥

विश्रयंमाणो अमितमुरूचीम्। मूर्तभोजन्मधेरासतेन। विजनां ज्छावाः शितिपादां अख्यन्। रथ् हिरंण्यप्रउगं वहंन्तः। शश्विद्दशंः सवितुर्देव्यस्य। उपस्थे विश्वा भुवंनानि तस्थुः। वि सुंपूर्णो अन्तरिक्षाण्यख्यत्। गुभीरवंपा असुंरः सुनीथः। केदानी १ सूर्यः कश्चिकेत। कृतमान्द्या र रिशमरस्या तंतान॥४१॥

भगं धियं वाजयंन्तः पुरंन्धिम्। नराशक्सो ग्रास्पतिनीं अव्यात्। आ ये वामस्यं सङ्ग्थे रंयीणाम्। प्रिया देवस्यं सिवतः स्याम। आ नो विश्वे अस्क्रागमन्तु देवाः। मित्रो अर्यमा वर्षणः सजोषाः। भुवन् यथां नो विश्वे वृधासः। करंन्थ्सुषाहां विथुरं न शवंः। शं नो देवा विश्वदेवा भवन्तु। शक्ष सरंस्वती सह

धीुभिरंस्तु॥४२॥

शर्मभिषाचः शर्मु रातिषाचः। शं नो दिव्याः पार्थिवाः शं नो अप्याः। ये संवितः सत्यसंवस्य विश्वेः। मित्रस्यं व्रते वरुणस्य देवाः। ते सौभंगं वीरवद्गोमदप्रः। दधांतन् द्रविणं चित्रमस्मे। अग्नें याहि दूत्यं वारिषेण्यः। देवाः अच्छां ब्रह्मकृतां गणेनं। सरस्वतीं मुरुतो अश्विनापः। युक्षि देवात्रं त्रधेयांय विश्वान्॥४३॥

द्यौः पितः पृथिवि मात्रध्रुंक्। अग्नै भ्रातर्वसवो मृडतां नः। विश्वं आदित्या अदिते स्जोषाः। अस्मभ्य शर्मं बहुलं वि यन्त। विश्वं देवाः शृणुतेम हवं मे। ये अन्तरिक्षे य उप द्यवि ष्ठ। ये अग्निजिह्वा उत वा यजंत्राः। आसद्यास्मिन्बर्हिषिं मादयध्वम्। आ वां मित्रावरुणा हुव्यजुंष्टिम्। नमंसा देवाववंसाऽऽववृत्याम्॥४४॥

अस्माकं ब्रह्म पृतंनासु सह्या अस्माकम्। वृष्टिर्दिव्या सुंपारा। युवं वस्त्राणि पीवसा वंसाथे। युवोरच्छिंद्रा मन्तंवो ह सर्गाः। अवांतिरतमनृंतानि विश्वाः। ऋतेनं मित्रावरुणा सचेथे। तथ्सु वां मित्रावरुणा महित्वम्। ईर्मा तस्थुषीरहंभिर्दुदहे। विश्वाः पिन्वथ् स्वसंरस्य धेनाः। अनुं वामकः पविरा वंवर्ति॥४५॥

यद्व १ हिष्टुन्नाति विदे सुदान्। अच्छिंद्र १ शर्म भुवंनस्य गोपा। ततों नो मित्रावरुणाववीष्टम्। सिषांसन्तो जीगिवा १ संः स्याम। आ नों मित्रावरुणा ह्व्यदांतिम्। घृतैर्गव्यूंतिमुक्षत्मिडांभिः। प्रतिं वामत्र वरमा जनाय। पृणीतमुद्रो दिव्यस्य चारौः। प्र बाहवां सिसृतं जीवसें नः। आ नो गव्यंतिमुक्षतं घृतेनं॥४६॥

आ नो जर्ने श्रवयतं युवाना। श्रुतं में मित्रावरुणा हवेमा। इमा रुद्रायं स्थिरधंन्वने गिरंः। क्षिप्रेषंवे देवायं स्वधाम्नें। अषांढाय सहंमानाय मीढुषें। तिग्मायुंधाय भरता श्रुणोर्तन। त्वादंत्तेभी रुद्र शन्तंमेभिः। श्रुत हिमां अशीय भेषजेभिः। व्यंस्मद्वेषों वित्रं व्यक्षेत्रं। व्यमीवाङ्श्वातयस्वा विषूंचीः॥४७॥

अर्हंन्बिभर्षि मा नंस्तोके। आ ते पितर्मरुतार सुम्नमेतु।
मा नः सूर्यस्य स्न्हशो युयोथाः। अभि नो वीरो अर्वति क्षमेत। प्र
जायमिह रुद्र प्रजाभिः। एवा बंभ्रो वृषभ चेकितान। यथा देव न
हंणी्षे न हर्रसी। हावन्श्रूनी रुद्रेह बोधि। बृहद्वंदेम विदर्थ सुवीराः।
परि णो रुद्रस्य हेतिः स्तुहि श्रुतम्। मीढुंष्टमार्हंन्बिभर्षि। त्वमंग्ने
रुद्र आ वो राजानम्॥४८॥
वर्स्नि ततानास्तु विश्वानं ववृत्यां ववर्ति घृतेन विष्चीः श्रुतन्द्वे चं॥—[६]

सूर्यो देवीमुषस् रोचंमानामर्यः। न योषांमभ्येति पृश्चात्। यत्रा नरो देवयन्तो युगानिं। वितन्वते प्रति भृद्वायं भृद्वम्। भृद्रा अश्वां हृरितः सूर्यंस्य। चित्रा एदंग्वा अनुमाद्यांसः। नृमृस्यन्तो दिव आ पृष्ठमंस्थुः। परि द्यावांपृथिवी यन्ति सद्यः। तथ्सूर्यंस्य देवृत्वं तन्मंहित्वम्। मृध्या कर्तोवितंत् सञ्जंभार॥४९॥ यदेदयुंक्त हिरितः सुधस्थात्। आद्रात्री वासंस्तन्ते सिमस्मैं। तिन्मुत्रस्य वरुंणस्याभिचक्षें। सूर्यो रूपं कृंणुते द्योरुपस्थें।

तान्मुत्रस्य वरुणस्याम्चक्षा सूया रूप कृणुत् द्यारुपस्या अनुन्तमृन्यद्रुशंदस्य पाजः। कृष्णमृन्यद्धरितः सं भेरन्ति। अद्या देवा उदिता सर्यस्य। निरुष्ट्रंसः पिपतान्निरंवद्यात। तन्नो मित्रो

देवा उदिता सूर्यस्य। निर॰हंसः पिपृतान्निरंवद्यात्। तन्नो मित्रो वर्रुणो मामहन्ताम्। अदितिः सिन्धुः पृथिवी उत द्यौः॥५०॥

दिवो रुका उरुचक्षा उदेति। दूरे अर्थस्तरणिर्भाजमानः। नूनं जनाः सूर्येण प्रसूताः। आयन्नर्थानि कृणवन्नपार्श्सा। शं नो भव चक्षसा शं नो अह्राँ। शं भानुना शर हिमा शं घृणेनं। यथा शमस्मै शमसंदुरोणे। तथ्सूर्य द्रविणं धेहि चित्रम्। चित्रं देवानामुदंगादनीकम्। चक्षुंर्मित्रस्य वरुंणस्याग्नेः॥५१॥

आप्रा द्यावांपृथिवी अन्तरिक्षम्। सूर्य आत्मा जगंतस्तस्थुषंश्च। त्वष्टा दधत्तन्नंस्तुरीपम्। त्वष्टां वीरं पिशङ्गंरूपः। दशेमन्त्वष्टं जीनयन्त् गर्भम्। अतंन्द्रासो युवतयो बिभेर्त्रम्। तिग्मानीक्ष् स्वयंशसं जनेष्। विरोचंमानं परिषीन्नयन्ति। आविष्ट्यो वर्धते चारुरास्। जि्ह्यानांमूर्ध्वस्वयंशा उपस्थै॥५२॥

उभे त्वष्टुंर्बिभ्यतुर्जायंमानात्। प्रतीची सिन्हं प्रतिजोषयेते। मित्रो जनान्त्र स मित्र। अयं मित्रो नंमस्यः सुशेवः। राजां सुक्षत्रो अंजनिष्ट वेधाः। तस्यं वय स्पुमतौ यज्ञियंस्य। अपि भद्रे सौमन्से स्याम। अनुमीवास् इडया मदन्तः। मितज्मवो वरिमन्ना पृथिव्याः। आदित्यस्यं व्रतमुंपृक्ष्यन्तंः॥५३॥

वयं मित्रस्यं सुमृतौ स्याम। मित्रं न ई१ शिम्या गोषुं गृव्यवत्। स्वाधियों विदथें अपस्वजीजनन्। अरेजयता १ रोदंसी पाजंसा गिरा। प्रति प्रियं यंजतं जनुषामवंः। मृहा१ आदित्यो नमंसोपसद्यः। यात्यज्ञंनो गृणते सुशेवंः। तस्मां एतत्पन्यंतमाय जुष्टम्। अग्नौ मित्रायं ह्विरा जुंहोत। आ वा१ रथो रोदंसी बद्धधानः॥५४॥

हिर्ण्ययो वृषंभिर्यात्वश्वैः। घृतवंतिनः पविभीरुचानः। इषां वोढा नृपतिंवीजिनीवान्। स पंप्रथानो अभि पश्च भूमी। त्रिवन्धुरो मनसायांतु युक्तः। विशो येन गच्छंथो देवयन्तीः। कुत्रां चिद्याममिश्विना दर्धाना। स्वश्वां यशसाऽऽयांतम्वीक्। दस्नां निधिं मधुंमन्तं पिबाथः। वि वार् रथो वृध्वां यादंमानः॥५५॥

अन्तां दिवो बांधते वर्तनिभ्यांम्। युवोः श्रियं परि योषांवृणीत। सूरों दुहिता परितक्तियायाम्। यद्देवयन्तमवंथः शचींभिः। परिघ्रुष् सवां मनावां वयोगाम्। यो हुस्यवार्ष रथिरावस्तं उस्राः। रथों युजानः परियातिं वर्तिः। तेनं नः शं योरुषसो व्युष्टौ। न्यंश्विना वहतं युज्ञे अस्मिन्। युवं भुज्युमवंविद्धर् समुद्रे॥५६॥

उदूंहथुरर्णसो अस्त्रिंधानैः। प्तित्रिभिरश्रमैरेव्यथिभिः। दुर्सनांभिरश्विना पारयंन्ता। अग्नीषोमा यो अद्य वाम्। इदं वर्चः सपुर्यति। तस्मै धत्तर सुवीर्यम्। गवां पोष्ड् स्वश्वियम्। यो अग्नीषोमां ह्विषां सपूर्यात्। देवद्रीचा मनंसा यो घृतेनं। तस्यं वृत १ रक्षतं पातम १ हंसः॥५७॥

विशे जनांय महि शर्म यच्छतम्। अग्नीषोमा य आहुंतिम्। यो

वां दाशाँ ख्रिविष्कृंतिम्। स प्रजयां सुवीर्यम्। विश्वमायुर्व्यंश्ववत्। अग्नीषोमा चेति तद्वीर्यं वाम्। यदमुष्णीतमवसं पृणिङ्गोः। अवांतिरतं प्रथंयस्य शेषंः। अविंन्दतं ज्योतिरेकं बहुभ्यः। अग्नीषोमाविम १ स् मेऽग्नीषोमा ह्विषः प्रस्थितस्य॥५८॥ जुभार द्यौर्ग्नेश्पस्थं उपक्ष्यन्तों बद्धधानो वध्वां यादंमानः समुद्रेऽ १ हंसः

अहमंस्मि प्रथम्जा ऋतस्यं। पूर्वं देवेभ्यां अमृतंस्य नाभिः। यो मा ददांति स इदेव माऽऽवाः। अहमन्नमन्नंमदन्तंमिद्ये। पूर्वमग्नेरिपं दहत्यन्नम्। यत्तौ हांसाते अहमुत्तरेषुं। व्यात्तंमस्य पृशवः सुजम्भम्। पश्यंन्ति धीराः प्रचंरन्ति पाकाः। जहाँम्यन्यन्न

जंहाम्यन्यम्। अहमन्नं वशमिर्चरामि॥५९॥

स्मानमर्थं पर्येमि भुअत्। को मामन्नं मनुष्यो दयेत। परांके अन्नं निहिंतं लोक एतत्। विश्वैदिंवैः पितृभिर्गुप्तमन्नम्। यद्द्यते लुप्यते यत्परोप्यते। शत्त्मी सा तुनूर्मे बभूव। महान्तौ चुरू संकृद्दुग्धेनं पप्रौ। दिवंं च पृश्चिं पृथिवीं चं साकम्। तथ्सम्पिबंन्तो न मिनन्ति वेधसंः। नैतद्भयो भवंति नो कनीयः॥६०॥

ब्रह्माणों जुरसं वदन्ति। अन्नमाहुः प्रजनंनं प्रजानांम्। मोघमन्नं विन्दते अप्रचेताः। सृत्यं ब्रंवीमि वध इथ्स तस्यं। नार्यमण् पुष्यंति नो सर्खायम्। केवंलाघो भवति केवलादी। अहं मेघः स्तनयन्वर्षन्नस्मि। मामंदन्त्यहमंद्य्यन्यान्॥६१॥

अह सद्मृतों भवामि। मदांदित्या अधि सर्वे तपन्ति। देवीं

अन्नं प्राणमन्नमपानमाहः। अन्नं मृत्युं तम् जीवातुंमाहः। अन्नं

वार्चमजनयन्त् यद्वाग्वदंन्ती। अनुन्तामन्तादिध् निर्मितां महीम्। यस्यां देवा अंदधुर्भोजंनानि। एकांक्षरां द्विपदा् षद्वंदां च। वार्चं देवा उपं जीवन्ति विश्वं। वार्चं देवा उपं जीवन्ति विश्वं। वार्चं गन्ध्वाः पृशवों मनुष्याः। वार्चोमा विश्वा भुवंनान्यर्पिता॥६२॥

सा नो हवं जुषतामिन्द्रंपत्नी। वागृक्षरं प्रथमजा ऋतस्यं। वेदांनां माताऽमृतंस्य नाभिः। सा नो जुषाणोपं यज्ञमागाँत्। अवंन्ती देवी सुहवां मे अस्तु। यामृषंयो मत्रुकृतों मनीषिणः। अन्वैच्छं देवास्तपंसा श्रमेण। तान्देवीं वाच हिवषां यजामहे। सा नो दधातु सुकृतस्यं लोके। चत्वारि वाक्परिमिता पदानि॥६३॥

तानि विदुर्बाह्मणा ये मंनी्षिणः। गुह्य त्रीणि निहिता नेङ्गंयन्ति। तुरीयंं वाचो मंनुष्यां वदन्ति। श्रृद्धयाऽग्निः समिध्यते। श्रृद्धयां विन्दते हृविः। श्रृद्धां भगस्य मूर्धनिं। वचसा वेदयामसि। प्रियः श्रृद्धे ददंतः। प्रियः श्रेंद्धे दिदांसतः। प्रियं भोजेषु यज्वंसु॥६४॥

इदं मं उदितं कृषि। यथां देवा असुरेषु। श्रृद्धामुग्नेषुं चिक्रिरे। एवं भोजेषु यज्वंसु। अस्माकंमुदितं कृषि। श्रृद्धां देवा यजंमानाः। वायुगोपा उपांसते। श्रृद्धाः हृद्य्यंयाऽऽकृत्या। श्रृद्धयां हूयते ह्विः। श्रृद्धां प्रातर्हवामहे॥६५॥

श्रृद्धां मध्यन्दिनं परि। श्रृद्धाः सूर्यस्य निम्नुचि। श्रद्धे श्रद्धांपयेह माँ। श्रुद्धा देवानिधं वस्ते। श्रुद्धा विश्वमिदं जर्गत्। श्रुद्धां कार्मस्य मातरम्। ह्विषां वर्धयामिस। ब्रह्मं जज्ञानं प्रथमं पुरस्तौत्। विसीमृतः सुरुचों वेन आवः। स बुध्नियां उप मा अस्य विष्ठाः॥६६॥

स्तश्च योनिमसंतश्च विवंः। पिता विराजांमृष्भो रंयीणाम्। अन्तरिक्षं विश्वरूप् आविवेश। तमकेर्भ्यंचिन्ति वथ्सम्। ब्रह्म सन्तं ब्रह्मंणा वर्धयन्तः। ब्रह्मं देवानंजनयत्। ब्रह्म विश्वंमिदं जगंत्। ब्रह्मंणः क्षत्रं निर्मितम्। ब्रह्मं ब्राह्मण आत्मनाः। अन्तरंस्मिन्निमे लोकाः॥६७॥

अन्तर्विश्वमिदं जगंत्। ब्रह्मैव भूतानां ज्येष्ठम्। तेन कोऽर्हति स्पर्धितुम्। ब्रह्मन्देवास्त्रयंस्त्रिश्शत्। ब्रह्मिन्द्रप्रजापती। ब्रह्मन् ह् विश्वां भूतानिं। नावीवान्तः समाहिता। चतंस्र आशाः प्रचंरन्त्वग्नयः। इमं नो युज्ञं नंयतु प्रजानन्। घृतं पिन्वंश्रजर्श्रं सुवीरम्॥६८॥

ब्रह्मं सुमिद्भंवत्याहुंतीनाम्। आ गावों अग्मन्नुत भुद्रमंऋन्।

सीदंन्तु गोष्ठे र्णयंन्त्वस्मे। प्रजावंतीः पुरुरूपां इह स्युः। इन्द्राय पूर्वीरुषसो दुहानाः। इन्द्रो यज्वंने पृण्ते चं शिक्षति। उपेद्दंदाति न स्वं मुंषायति। भूयोभूयो र्यिमिदंस्य वर्धयन्। अभिन्ने खिल्ले नि दंधाति देवयुम्। न ता नंशन्ति न ता अर्वा॥६९॥ गावो भगो गाव इन्द्रों मे अच्छात्। गावः सोमंस्य प्रथमस्यं

भृक्षः। इमा या गावः सर्जनास् इन्द्रः। इच्छामीद्धृदा मनेसा चिदिन्द्रम्। यूयं गांवो मेदयथा कृशं चित्। अश्लीलं चित्कृणुथा

सुप्रतींकम्। भृद्रं गृहं कृण्थ भद्रवाचः। बृहद्वो वयं उच्यते स्भास्ं। प्रजावंतीः सूयवंस १ रिशन्तीः। शुद्धा अपः सुप्रपाणे पिबंन्तीः। मा वंः स्तेन ईशत् माऽघशर्रसः। परिं वो हेती रुद्रस्यं वृश्यात्। उपेदमुंपपर्चनम्। आसु गोषूपंपृच्यताम्। उपंर्ष्भस्य रेतंसि। उपेन्द्र तवं वीर्ये॥७०॥

च्रामि कनीयोऽन्यानिर्पता पदानि यज्वंस हवामहे विष्ठा लोकाः सुवीर्मवां पिबंन्तीः षद्वं॥————[८]

ता सूर्याचन्द्रमसां विश्वभृत्तंमा मृहत्। तेजो वसुंमद्राजतो

दिवि। सामांत्माना चरतः सामचारिणां। ययोंर्वृतं न मुमे जातुं देवयों:। उभावन्तौ परिं यात् अर्म्यां। दिवो न रुश्मी इस्तंनुतो व्यंर्णवे। उभा भुंवन्ती भुवंना कुविक्रंत्। सूर्या न चुन्द्रा चंरतो

हतामंती। पतीं चुमिद्वेश्वविदां उभा दिवः। सूर्या उभा चन्द्रमंसा

विचक्षणा॥ ७१॥

विश्ववारा वरिवोभा वरेण्या। ता नोऽवतं मित्मन्ता मिहंब्रता। विश्ववपरी प्रतरंणा तर्न्ता। सुवर्विदां दृशये भूरिरश्मी। सूर्या हि चन्द्रा वसुं त्वेषदंर्शता। मृनस्विनोभानुंचरतोनु सन्दिवम्। अस्य श्रवों नद्यः सप्त विभ्रति। द्यावा क्षामां पृथिवी दंर्शतं वपुः। अस्म सूर्याचन्द्रमसांऽभिचक्षें। श्रद्धेकिमेन्द्र चरतो विचर्त्रम्॥७२॥

पूर्वाप्रं चंरतो माययैतौ। शिशू क्रीडंन्तौ परिं यातो अध्वरम्। विश्वान्यन्यो भुवंनाऽभि चष्टैं। ऋतूनन्यो विदधंज्ञायते पुनः। हिरंण्यवर्णाः शुचंयः पावका यासाः राजाः। यासां देवाः शिवनं मा चक्षुंषा पश्यत। आपो भुद्रा आदित्पंश्यामि। नासंदासीन्नो सदांसीन्तदानींम्। नासीद्रजो नो व्योमा प्रो यत्। किमावंरीवः कुह कस्य शर्मन्॥७३॥

अम्भः किमांसीद्गह्नं गभीरम्। न मृत्युर्मृतं तर्हि न। रात्रिया अह्नं आसीत्प्रकेतः। आनींदवातः स्वधया तदेकम्ँ। तस्माँ द्धान्यं न पुरः किश्चनासं। तमं आसीत्तमंसा गूढमग्रे प्रकेतम्। सृठिलः सर्वमा इदम्। तुच्छेनाभ्वपिहितं यदासीत्। तमस्तन्महिना जायतैकम्। कामस्तदग्रे समंवर्तताधि॥७४॥

मनंसो रेतंः प्रथमं यदासींत्। सतो बन्धुमसंति निरंविन्दन्। हृदि प्रतीष्यां कुवयों मनीषा। तिरुश्चीनो वितंतो रुश्मिरंषाम्। अधः स्विदासी(३)दुपरिं स्विदासी(३)त्। रेतोधा आंसन्महिमानं आसन्। स्वधा अवस्तात्प्रयंतिः प्रस्तौत्। को अद्धा वेंद् क इह प्र वोचत्। कुत् आजाता कुतं इयं विसृष्टिः। अर्वाग्देवा अस्य विसर्जनाय॥७५॥

अथा को वेंद्र यतं आबुभूवं। इयं विसृष्टिर्यतं आबुभूवं। यदिं वा द्धे यदिं वा न। यो अस्याध्यंक्षः पर्मे व्योमन्। सो अङ्ग वेंद्र यदिं वा न वेदं। किङ्स्विद्धनङ्क उ स वृक्ष आसीत्। यतो द्यावांपृथिवी निष्टतृक्षुः। मनीषिणो मनसा पृच्छतेदुतत्। यद्ध्यतिष्ठद्भुवंनानि धारयन्। ब्रह्म वनुं ब्रह्म स वृक्ष आसीत्॥ ७६॥

यतो द्यावांपृथिवी निष्टतृक्षुः। मनीषिणो मनस्मा विब्रंवीमि वः। ब्रह्माध्यतिष्ठद्भुवंनानि धारयन्। प्रातर्ग्निं प्रातरिन्द्र हवामहे। प्रातर्मित्रावरुणा प्रातर्श्विनां। प्रातर्भगं पूषणं ब्रह्मणस्पतिम्ं। प्रातः सोममुत रुद्र ह्वंवेम। प्रातुर्जितं भगमुग्र ह्वंवेम। व्यं पुत्रमदितेर्यो विंधुर्ता। आध्रश्चिद्यं मन्यंमानस्तुरश्चित्॥७७॥

राजां चिद्यं भगं भृक्षीत्याहं। भगु प्रणेतुर्भगु सत्यंराधः। भगेमां धियमुदंव ददंत्रः। भगु प्र णो जनय गोभिरश्वैः। भगु प्र नृभिर्नृवन्तंः स्याम। उतेदानीं भगवन्तः स्याम। उत प्रिपत्व उत मध्ये अह्नाम्। उतोदिता मघवन्थ्सूर्यस्य। व्यं देवानारं सुमृतौ स्यांम। भगं एव भगंवार अस्तु देवाः॥७८॥

तेनं व्यं भगंवन्तः स्याम। तं त्वां भगु सर्व् इञ्जोहवीमि। स नो भग पुर एता भवेह। समध्वरायोषसो नमन्त। द्धिकावेव शुचंये प्दायं। अर्वाचीनं वंसुविदं भगं नः। रथंमिवाश्वां वाजिन आवंहन्तु। अश्वांवतीर्गोमंतीर्न उषासंः। वीरवंतीः सदंमुच्छन्तु भद्राः। घृतं दुहाना विश्वतः प्रपीनाः। यूयं पात स्वस्तिभिः सदां नः॥७९॥

विच्क्षणा विचर्तुर शर्मत्रिधे विसर्जनाय ब्रह्म वनं ब्रह्म स वृक्ष आंसीत्तुरिश्चिद्देवाः प्रपीना एकं च॥ [१] पीवौत्रान्ते शुक्रासः सोमों धेनुमिन्द्रस्तरंस्वाञ्छ्विमा देवो यांतु सूर्यो देवोमहमस्मि ता सूर्याचन्द्रमसा नवं॥१॥ पीवौत्रामग्ने त्वं पारयानाधृष्यः शुचिं नु विश्रयमाणो दिवो रुक्कोऽत्रं प्राणमत्रन्ता सूर्याचन्द्रमसा नवंसमितः॥७१॥

पीवौन्नां यूयं पांत स्वस्तिभिः सदां नः॥

हरिः ओम्॥ ॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके अष्टमः प्रपाठकः समाप्तः॥

7 113 17 11 11111

This PDF was downloaded from http://stotrasamhita.github.io.

GitHub: http://stotrasamhita.github.io | http://github.com/stotrasamhita

Credits: http://stotrasamhita.github.io/about/